

卷數 志序 縣城圖 大成殿圖 卷一

卷三

卷四

卷五 卷六 卷七

[illegible]

以上共脫落錯誤一百六十四字

卷十

卷九

卷八

[illegible]

德清縣誌序



邑之有誌猶國之有史也國有史而世道之盛衰人物之升降風俗之隆替皆可按而覆邑有志而紀山川審陞院定徭賦昭文獻其以供

朝廷省方肆覲納賈陳詩輶軒之使采風而問俗即古職方氏之所掌寧有加焉然則邑之有志實與國史相表裏也洵矣今

聖天子臨御萬邦車書一統國史而外更輯通志蓋將周攬天下土壤貢賦疆域形勝之勢長慮遠矚所以備一代制作裏太平文治之隆即成周體國經野之意甚鉅典也吳興山水清遠名公鉅卿鱗次史冊德清介苕水西南鼎甲巍科聯翩薰蔚彬彬冠冕瀾西蓋光岳清

正序

淑之氣蜿蜒而磅礴於斯焉發之然其間土壤肥瘠民生利病因革捐益之宜所當亟為搜討者詎非良有司之責也哉邑令侯君為豫中右族豫固為余舊治之土也雅悉其節概今來綰綬茲土凡事兢兢惕惕儼奉予敬畏

簡書之意以底於成余惟以清苦持躬凡利於民者罔不思興病於民者罔不思去而侯君率能奉行之無倦茲值纂誌之役益罔敢踈越延訪耆彥講求掌故網羅舊聞編定新編其中之闕者補之複者芟之訛者正之淆錯者循其緒而條理之以辨謠俗至慎也以綜見聞至博也以稽世變而觀吏治至周且晰如紋螺也斯誠詳而有體簡而有要者矣繕錄就竣執卷相示撫圖按籍指掌粲然庶幾與吳興

郡志相得益章予於是樂觀厥成焉俟將貢諸
天府以供內史彤管之資潤色山龍黼黻之業其與周禮職方並傳永
久昭示來茲則國史之與邑乘分軌同歸亦猶繁星之繞極祭川之
先河也夫 嘗

康熙癸丑歲子月上浣之吉

中憲大夫知湖州府事盛京王宏仁題

正序

二

—

德清縣誌序

傳有之天地成而聚於高歸錫於下疏為原谷以導其氣陂唐汚庫以鍾其美山川之在清邑似天地有獨厚焉可謂土之聚而水之鍾矣而比類百則人物在與較勝於他邑是不可以無誌顧誌之於邑戛然難之而實與作史者異史之有五難亦難乎其爾今

國朝基德以來釐度制量培獎悉蠲爰以紀載詔天下郡國具觀一統維新之盛宜復有所難如史家所云必父子世繼其官猶有所欲書而不得者哉竊稽明永樂中勅夏原吉楊榮等纂修天下郡邑誌未成景泰重修僅成未及刻天順始再修刻布尚多闕佚未編則前此誌事經紀四朝不可為不難矣而茲者薄海內外立稟朝廷令甲上

蔡序

一

貢河嶽之奇下徵名器之守不闕載而天下郡邑誌俱入登天府即以清邑言之餘不玉璽之勝備列丹堦東府司直之才傳流繪素核吏事則戶譜中年辨風俗則人羨汝南貢賦之期侔於轉轂財貨之生急於爭時而且蔚乎紀法之維調人文之炳煥以是知歐陽日歷之疏不煩歎歎守溪臯言諸條并無事咨嗟矣誌之成也固大異於史詎不一本朝廷耶因考清誌沿始於宋散佚有年迄明嘉靖方公日乾仝里大夫之賢者特勤編輯則陳水南先生實主之迨天啟教公榮繼與先君子互相論定無何相距更歷五紀今

上癸丑主縣事

侯公百度聿興治臻醇備適奉

溫綸重加繙討其載筆從事諸君文藻博雅肆力蒐討舉百年來政務之得失名公卿之進退暨里巷處士幽女之佚行分曹而書以上之主者斯裁鑒得衷銓次不爽試合觀前後譬之鑪鞴在前初則銅山可槌繼之淬液益精至太阿成而歸功於就鑄者

侯公其區冶子歟余備員史館愧無以贊是役也迨縱轡菽林取前之碑銘詞賦芟繁疏穢總別為後勁使吟攬其中者如登玉塵及吳羗諸峰高高下下葱龍入目又如浥餘溪之水可嗽可濯欲舞欲歌將山川之獨厚我邑者得我

公而蓄之彌曜洵乎斯舉之獨盛也矣

賜進士及第翰林院修撰

蔡序

二

日講官

起居注壬子科

欽命順天典試正總裁邑人蔡啟傳謹叙

序言

德清隸浙厥邑維中抑何繁而劇歟官斯地者自

皇清鼎定來越三十年卒未聞以奏績去詎人之不地宜歟抑地之故以阨人歟余於今

上御極之八年奉

命來牧小民譁然上下相軋弗辨也城陘頽然履如康莊勿禁也官舍蕩然寢興罔蔽風雨也吏胥皇皇泄泄或以帑金繫或以善訟牽智者奔騰而愚者蹇厄又復比比也嗟乎清之俗顧可為哉余處不易為之時而強欲為之事以紛投余以勤應人以偽來余以誠感弗徂於利弗遠乎害而清邑向之所為不可為者今且次第若就理也茲

侯序

值修誌之後蓋

一

皇上允 閣臣請亟欲成一統之觀余因藝香煮茗延邑之 薦紳先生并博士弟子員而諮詢焉廣文王君以明經陳子名後方蔡子名啟份陳子名元望虞子名徽洎諸生胡子嘉生蔡子詒來徐子元正進曰若而人者皆邑之耆而彥且多聞記不波遂於是非聲華間也余曰賢哉諸子是可觀厥成矣扁官署之戶聯床瀹硯無黨同無伐異虛公和衷考諸往事叅以新編大畧溯源乎陳水南先生之前誌而刪繁增簡遂為得宜如輿地如宮室如食貨如法制如職官如選舉如治行如人物如藝文以及雜志列卷凡十分帙維四法例精嚴不啻不濫僉云信矣而且喜清之俗翻然更新將向之所謂不可為

者今且士古處矣詩書絃誦鏗鏘於里也今且民安業矣桑麻魚稻
作息於野也今且吏懾於法而頑梗之徒革面亦革心矣舞文控訴
不知其何以潛然消也猗歟休哉若庚戌之聯鑣而占鼎甲若辛亥
之甘露降於桑疇又非天時人事之協應歟獨是清之地瘠清之民
貧且苦西北之勢盈於山而棗栗薪炭之利弗與焉東南之勢偏於
水而圩田賦稅之歛綦重焉所資惟桑惟魚與菱而機絲之直日絀
攫奪之訟繁興是又在牧茲土者之斟酌愛養耳倘可省一分之誅
求不即養一分之元氣乎余拙於文辭而兼乏治邑才惟是拳拳此
心不敢獲罪於地方復不敢上千乎憲典因於邑誌之成而循例為
是言

侯序

康熙十二年歲次癸丑冬十一月吉旦

賜進士文林郎知德清縣事中州侯元棐謹叙

餘不志原序

宋章

鑑見邑令

圖志之來尚矣承平既久文物滋備雖遐陬僻壤莫不有之而況畿甸之間乎餘不為邑去天尺五簪紳宦遊慕其山水之秀而居之者比他邑最盛意其習俗薰染典制彬彬蔚必有可觀予得邑始上求所謂圖志者而史以錄本至魯魚亥豕不勝其舛及既視事珥筆者羅於庭抱案者環於屏剔蠹掃滯務盡其勤雖食息且不暇於是拊几自嗤曰是無恠乎前人不是之急也然予略究邑之顛末自武康析為武源繼改臨溪又改德清而後定縣多古跡如坡仙之來游東萊之寓讀班班僅見而失於文字之無稽及舉郡志所載與邑之壁記叅之至以辜肅為韋肅陳羔為陳羔華莘為華莘初虞昌為虞初昌

德清縣志

原序

一

姓名且不復辨至於義庄有碑為米一百六十二石有奇用以賑荒詢之吏則茫然不知再詰之則曰入之義倉耳目所及尚如此其他從可知矣失真難訂傳訛易承繼今不圖益重來者之恨撥治斯暇刊而正之資識見之該博者纂其書裒用度之贏餘而付之版定誤增略釐為上下卷卷各有目雖不敢自謂編次之備尚庶幾他日有考焉後之與我同志者嗣而廣之或可傳不朽云

德清縣誌原序

明方日乾見邑令

德清之東有溪焉其水清澈自餘則不緣是餘不得名予始上而索誌於邑得宋人所為本則誌以溪名者古矣顧其書銓寔失倫激勸無法東都以前失之疎而南渡以後失之駁迨天水淪竭亦復絕編矣嗟乎宋而元元而明上下幾三百年而怠弛相仍靡知有作其沿者莫適而原其起也其革者莫適而究其廢也其典章無可考而獻賢無所見也披逸遺而備考按發澶鬱而事宣曝不亦今日之當務歟走不敏承乏邑事稽鈎之弊神奔赴之迫懷少休而謁刺入簾甫出而吏牘委案爬焚抉絲五技殫窮是將求免乎吏譏且不可得如文事何然則違乎雅而趣乎俗固無恠也既三年凡百粗理委積漸

德清縣誌

原序

一

減於是以其餘隙集大夫之里居者而請蒐輯焉表信以剔浮進經以黜誕勒卷凡九分帙維四蓋首尾不四月而三朝放軼萃為成書吁亦勤矣嘗得而盡閱之義例精條貫整抑揚去取具有法度由輿地而知山川風土之詳由宮室而知府署邑居之繁由職官而知品流之別吏治之美由食貨而知物產之宜貢賦之則於是而知官制之網維選舉之効用也於是而知人物之炳秀藝文之擅華也存百世之永觀昭一邑之信典揚既往之休蹟裨將來之美化是則凡有周咨之責者必將觀覽於斯而好古之士用以為博雅之助亦不能外矣抑嘗聞之古之九州之誌謂之九丘周官外史掌四方之誌則是物也自秦人廢先王之制史官掌故其存者無幾然後世郡縣相

沿而有誌則固四方之舊焉夫誌何為者也備觀風侯太史詔世信
遠將於是乎在然則續金匱之書演石渠之作者職方而攬人文叅
異同而決疑信遐方僻邑之編會將階計書而進蘭臺之几芸閣之
庋其登也當有日矣是斯誌雖一邑之書而實天下之公案信史之
張本也走不佞謹序以需

重修德清縣誌序

明教榮繼見邑令

邑之有誌則邑之小史也清之無誌則清之缺典也自嘉靖初方公日乾始修之雖言鼻祖宋誌然以述為作之功不可誣矣迺至今若干載通無有續而修之者幾於絕筆能無文獻不足之懼乎此繼甫來清百事未遑盡舉獨是役為兢兢幸藉諸名賢之力刻日竣事時初請秉筆為之祭酒者則銓部韞先蔡奕琛先生也若分纂互相論定者則廣文陳其衷姜可望談嘉虞孝廉嵇之楚沈水鑑金玉鉉章日介文學戴賓蔡演疇丁用霖虞時雨潘孟春金鏡心胡公綫許元釗等諸君也後因蔡銓部力辭與其事繼始不得不僭有所短長以相印證無非欲成一代之信史繼董狐之直筆不然豈瓦缶敢與黃

德清縣誌

序

一

鐘爭鳴哉然孔子於春秋曰其義則某竊取之矣今日於此誌義亦何取耶大抵以清之為清山環而水駛谷少而桑多民亦近人可喜自有一二敗類為崇遂視舉邑皆頑矣賦亦按期易徵自為歷年包猾所漁遂稱積逋淵數矣其實俗固好修士多奇行特惜有治地無治人耳第治何容易必知其沿革建置之由然後可修政立事也必知其山川風土之詳然後可經畫化導也必知其吏治人物之臧否然後可弗納於邪也必知其選舉彙徵之日盛然後可遐不作人也藉今茫然不辨問一邑之事且弗知所對尚欲以鹵莽奏功得乎用憶宋司馬光祖史記之法而編為資治通鑑以資國家之治安知茲誌也不可為資治通誌以資一邑之治否此則今日修誌之義繼先

以之為發覆而思以印證於後來君子云

德清縣志

序



德清縣誌目錄

卷之一

輿地考

沿革

星野

疆域附道里

山川附井泉

形勝

城池附屯寨

廂巷

市鎮

鄉都

卷之二

輿地考二

土田

河渠附塘壩

橋梁

風俗

卷之三

宮室考

德清縣誌

目錄

一

縣治

附縣舍

學校

公廨射廳小學附

壇廟

公署

屬司

賢祠

書院

坊表

傳鋪

寺觀附宮院

卷之四

食貨考

戶口

農桑

物產

稅糧

貢辦附軍需

徵權

鹽法

俸給

法制考

禮儀

鄉約保甲附

軍政

役法附匠役

刑例

郵政

卷之五

職官表

令佐 校職 治屬

卷之六

選舉表

甲榜

鄉舉武科

歲貢恩例

薦辟

恩封

武選

恩廕

卷之七

治行傳

名宦

政績

人物傳

儒行

名業

端鯁

文苑

武功

官歷

忠節

孝義

寓賢

高隱

列女

方技

釋老

別傳

目錄

二

德清縣誌

卷之八

藝文志一

典籍

紀載附
雜文

卷之九

藝文志二

題咏

卷之十

雜志

古蹟

佚墨

遺事

異聞

災祥

園池

墳墓

德清縣誌凡例

一縣自宋嘉熙間邑令章公鑑始作餘不志以縣臨餘不溪也厯三百餘年入明嘉靖初邑令方公日乾修之更曰德清縣志後天啟間邑令教公榮繼重修迄今

國朝百務聿新重以

綸音擇儒纂輯酌古準今實競競焉

一周禮土訓之掌以道地圖職方隸之是名輿地繼之而有邑作公私鱗庇五官攸興宮室食貨差次而設所宜然矣至若物麗於則上者因之此之謂法守當其經才者副焉用秩以官爾廼羅甲乙之科咨循牧之軌名賢繼躅紛班榮籍而後賦誦聿陳比類而登

德清縣誌

凡例

一

之藝文之所由肆也餘則雖細曲必條觀止矣

一賦役科額今昔不同利弊尤異前代惟照舊誌開載而近歲則據全書編叙其時有加派及本縣裁省者亦兼錄

一城市鄉都各有官地為私家所侵佃者不一處年代縣遠難以規復然亦不敢遽泯其跡謹於其處各書所自以見存羊之意云

一從來祠名宦祠鄉賢者各列行實於別傳其碑記詳載藝文誌至未進祠者官師照來任叙述紳袍照選舉叙述亦或散見于治行人物傳中

一人物必待蓋棺事定百年論公至孝義節烈自舊誌外有朝廷旌表各憲褒獎者悉為闡揚如未經詳請雖有奇節奉憲諭

不敢遽錄

一祠廟寺觀必係合祀典者有勅建古額者書之其福庇邑民禮不可廢亦增入若淫祠私祀者否

一凡碑記詩詞散附各處者每易眩人觀覽今悉選載藝文誌亦或刪去一二其近有著述題咏係重本邑者并採錄

一遵 今纂輯上以敷揚

聖治下以紀載文獻原古證今兢兢刪定克底成書今上之 各憲貢之

朝廷第慮日後狐鼠作奸賄匠改竄以致官私溷淆虛實罔據今將各

卷字數列之簡端以垂永久如嗣本與原刻異同定依律治罪

德清縣誌

凡例

二

計開

卷之一

輿地志上 共字六千七百七十四箇

卷之二

輿地志下 共字七千九百三十七箇

卷之三

宮室志 共字一萬三千七百七十八箇

卷之四

食貨志 共字二萬二百九十六箇

卷之五

職官志 共字九千七百七十七箇

卷之六

選舉志 共字八千七百三十九箇

卷之七

治行志 共字二萬六千三百六十二箇

卷之八

藝文志上 共字二萬一千一百五十七箇

卷之九

藝文志下 共字一萬三千一百六十箇

卷之十

德清縣志

凡例

雜志 共字五千二百七十六箇